

توفارقان دان يارانميش ينددى مثلين كۆكۆ(۱-جى بۆلوم)

شوبه سيز آذربايجان شيفاهى ادبياتى و مثلى دۇنيادا تايىزدير. ايللر بويودور آذربايجان مثلرين توپلاماغا، آرازين اوتاي و بو تاييندا چوخلو آغير و ساھمان ايشلر گورونموشدور. اما تأسف ايله بو مثلرين يارانما كۆكلىرى چوخ آچيقلانمادير. هر حالدا بو مقاله توفارقاندا يارانميش ينددى مثلين كۆكون آچيقلاماق ايستمك آماجيندادير: قيسا معلومات آذرشهر (توفارقان) دن:

عاشيق عباس توفارقانلى و نيظام الدين محمد توفارقانلى و على نقى واعظ توفارقانلى نين و... يوردو اولان توفارقان ، تبريزين ۵۴ كيلومتر ليگينده و گوننى باتى سيندادير. توفارقان يا ايندىكى آذرشهر ، اورمو شور گولون اون كيلومتري ليگى، تبريز- ماراغا يولوندا يئرلشيدير. آذرشهرين جنوبو "عجب شير" (əcəbşir) شهرى و شومالى " اوسكو" (Üskü) شهرى، دوغوسو سهند داغلارى و باتيسى اورمو گولودور. بو شهرين يوزمين جيواريندا يئرلىسى واردير. اوچ بخش و ۳۵ پارچا كند آذرشهره تابع دير.

مثلر

۱- «انله بيل گواهير آبي سيدير»

بو مثل يئكه، زيرپى عيني حالدا قيليق سيز و تنبل آدام حاقيندا دئييلير.

گواهير آذرشهر (توفارقان) ين ۱۱ كيلومتر ليگينده و باتى سيندا بير كنددير. ۱۳۸۲ نجى ايلين آمارى اساسيندا ۲۶ ائوى و ۱۵۲ نفر آدامى واردير. بو كندين چئوره سى مئشه ليكدير. بو مئشه ليكده آبي ياشارميش. زيرپيليق ، قيليقسيزليق و تنبليق آبي نين اوزلليكلرينددير.

۲- «كوردو ارلى لاي دوو ارلى»

بو مثل يئكه ، زيرپى، آدام حاقيندا دئييلير. يانى او آدام يئكه اولدوغو حالدا دوو ار آراسى دولدور ماغا ايش وئرر. بو مثل اسكى زمانلاردان توفارقان خالقى آراسيندا ايشلنيلير. كوردوار (Kürdvar) آذرشهرين گوننى باتيسيندا يئرلشميش كنددير. بو كند آلتميش، اون ايلليگينده آذرشهر بولگه سيندن آيريليب و اوسكو شهرينه تابع اولموشدور.

۳- «ماماغانلidan سوروشدولار: نيبه ائششك اوسته هَن (Hən) (بلى) يئرينه هَن (H,n) دئييرسن؟ دندى: هم سنه جاواب وئرميش اولام هم اشكى سورموش اولام.»

بو مثل ايقصادى فيكىرلشن آدام حاقيندا دئييلير. يانى او آداملار كى ايسترلر هزينه وئرمه دن بير شئى آله گتيرسينلر. ماماغان (مقان) (Mamağan) آذرشهرين ينددى كيلومتر ليگى و گونينده يئرلشيدير. ماماغان ۱۳۸۲ نجى گونش ايلينده بخش اولوبدور و اون بئش مين جيواريندا ساكنى واردير. ماماغانلilar آذرشهرده چوخ چاليشماغا و ايقصادى فيكىرلشمگه و هوشيار و زيرنگليگه شوهرت تاپميشلار. سركم نوخود (نخودچى) و «سوزن دوزى» ماماغانين ان آدليم حاصيل و ايشلريندن دير.

۴- «هر اششگين سوره ن دئيير منده ماماغانليام»

قاجار حوكومتين سون زمانلاريندا رحمان بيگ آدلى بير يول كسن يولجولار يولونو كسر ميش.

رحمان بيگ ماماغانلى اولدوغو اوچون ماماغانلى يولجولار لا ايشى اولماييب و اونلارى رده وئر ميش. رحمان بيگين بو ايشى، يانى ماماغانلilary رد وئر ميسى ياواش – ياواش يولجولارين قولاغينا چاتار.

ذكالى يولجولار رحمان بيگ ايله قارشيلاشاندا «ماماغانلى يام» ديبب، جانلارين و ماللارين رحمان بيگ دارو دسته سى اليندن قورتارايديرلار.

لاكين رحمان بيگ باشا دوشور كى انله بيل گلن – گندن ماماغانلى يام دئييب و پول – پله سين رحمان بيگ آليندن قورتارير و رحمان بيگ ين بازارى كاسادير.

بیر گون رحمان بیگ بیر یولجو، یولون کسمیش ایدی کی یولجو «منده ماماغانلییام» دنمگله اوزونو رحمان بیگ آداملاری الیندن قورتارماق ایستر.

رحمان بیگ بئله ائشیدنده چاشیب و اوزوندن چیخیب و باغیریر: «هر اششگین سوره ن دئییر منده ماماغانلییام»

بئله سینه بو سوز رحمان بیگ، دارو دسته سی طرفیندن قارشیلانیب و یولجولار «منده ماماغانلییام» دیننده ایشه باغلانیر و زمان اساسیندا منله دونور.

ایندی بو مثل بیر شی دن یا سوزدن تیکرار نچه آدام ایستفاده انده ن زمان ایشلنیلیر.

۵- «امام حسین گور نچه یازیق اولوب کی «ابیل قره» ده اونا شاخسی وورور»

دئییرلرکی قدیم زمانلار بیر ایش سیز- گوج سوز، دین سیز - ایمان سیز هر گنجه - گوندوز کئفلی اولان ابیل آدی بیر کیشی واریدی کی اونا قره شین اولدوغو اوچون «ابیل قره» دئییرمیشلر.

ابیل قره بیر گون محرملیکده آخشام «شاخسی» سیراسینا قوشولوب «شاخسی» گئدیر.

اونون شاخسی گنتمه سین گورن و شاخسی ایله موخالیف اولان بیر کیشی دئییر:

«امام حسین گور نچه یازیق اولوب کی ابیل قره ده اونا شاخسی وورور».

ایندی بو مثل او زمان ایشلنیلیرکی بیر گوجلو و هر یوندن ایقتدارلی آدام زمانه اویونلاری آئینده ایقتیداردان دوشموش اولو و اوزوندن اسگیک آدام اونا ترحم انده یا بیر کینایه چاتیرا.

۶- «ارمنی بادیمجانی ساتماغی اوزوده حاج کاظمین قراغیندا»

بامادور (گوجه فرنگی) یا قیرمیزی بادیمجان سون یوز ایلین اوللرینده آذربایجانا گلمیشدیر و فارسی آدی گؤستریدیگی کیمی آوروپادان ایرانا گئیریلیمیشدیر و اونا گورده آذرشهرده (توفارقان) اسکی زمانلاردا ارمنی بادیمجانینا شوهرت تاپمیشدیر.

بو آدا شوهرت تاپماسی سببینه بیر پارا موعصب موسلمانلارا طرفیندن اونون آلیش - وئیشی و فایدالانماسی یاخشی قارشیلانمیشدیر.

بیرگون بیر کیشی نین اوغلو کی «حاج کاظم» (۲) مچیدین قیراغیندا میوه ساتارمیش و او گونوده قصادان پامادور دا ساتارمیش، آتاسی راست گلیر. آتاسی اوغنون پامادور ساتاسین گورن حالدا قیزیب، اوغلونا خیطاب دئییر: «ارمنی بادیمجانی ساتماسی اوزوده حاج کاظمین قیراغیندا؟!»

بو مثل بیر کیمسه یانلیش ایشی، یانلیش یول ایله حیاتا کئچیرمک ایسته ین زمان ایشلنیلیر.

۷- «سرباز نه بیلیر هنیوا کالدیر یا ینتیشمیش»

ایندی «عجب شیر» شهرین ده ینرلشن آرتش، اول «آذرشهر» ده تیکلمیشدیر. او زمانلار بیر نچه آرتش گورولسی کنفلیرکن قادین حمامینا گیریپ و خالقین ناموسونا ساتاشیرلار. توفارقان خالق بو ایشه طاقت گتیرمیر و بئل - دگنگ آله گوتوروب آرتشله قارشی دایانیر.

النهاییه دؤولت قیرخینجی اون ایللیگین اوللرینده ساخلونو «عجب شیر» شهرینه کوچوردور.

آرتش آذرشهرده اولان زمان عسگرلر آذرشهرین باغ - باغتینادا هوجوم چکیب آغاج حاصل لارین کالی - ینتیشمیشلی یولوب، کورلاردیلار. هنیوا میوه سی قیش دا ینتیشمه سینه باخمایارق سربازلار او بیرسی حاصیلارلا برابر هنیوا میوه سین ده یولوب و سونرا اونا دیش ووران زمان اونون کال اولدوغونو گوروب ینره توکوب و کورلاردیلار.

آذرشهرده سربازلارین بو ایشلریندن و هنیوانی کال - کال یولوشدورمالاریندان یاواش - یاواش بو مثل یارانیرکی: «سرباز نه بیلیر هنیوا کالدیر یا ینتیشمیش»

ایندی بو مثل بیر قانماز آداما سوز قاندیران یا ایش گوردوره ن زمان ایشه گلیر .

قایناق: وارلیق درگی سی (تهران) نومره ۱۴۵ - ۱۳۸۶

۲- توفارقانین جامع مچیدی.

دوکتور حسن م. جعفرزاده

توفارقاندان يارانميش يندى مثلين كوكو، ۲-جى بۇلوم

ننچە ايل بوندان اول "وارليق" درگيسينده (نومره ۱۴۵ - ياي ۱۳۸۶) سوندوغوم بير يازيدا توفارقاندان يارانميش يندى مثلين كوكونو آچيقلاديق. ايندى ايسه بوردا توفارقاندان يارانميش باشقا يندى مثلين كوكونو ايصاح انديريك.

اما هر شنى دن اول فارسجا" مثل ده موناقيشه يوخدور" دنييمين خاطرلى ياليم چونكو بو يازيدا يا اونجه آچيقلاديغيم مثللرين كوكونده، كند يا بير بولگننن آدى كنجن زامان، يالنيز مقصد، مثلى دوغرو شكيلده آچيقلاماقدير و تانرى ائتمه سين و طنداشاريميزين خاطرينه ديمك قصدimiz يوخ بلكه ساده جه نييتimiz خالقimiz ديلينده اولان مثللرين كوكونو آچيقلاماقدير و خالقimiz ياشاديغى تامام بئر - بوردلار منه دوغما وطن كيمي دير.

۱- ماماغانلى كيمي هم وورورسان هم ده آغليسان

ماماغان (ممقان) (Mamağan) آذرشهرين يندى كيلومترليكى و گونينده يئرلشيدير. ماماغان ۱۳۸۲ نجى گونش ايلينده بخش اولوب و اون مين جيواريندا نوفوسو واردير. ماماغانلار توفارقان و آذربايجاندا چوخ چاليشماغا و ايقصادى فيكىرلشمه يه شوهرت تاپميشلار. نجه كى آشاغيدا كى مثل بو ايدعانى ثبوت اندير:

" ماماغانلidian سوروشدولار: نييه اشك اوسته هن (Hən) (بلى) بئرینه هنن (H, n) (۱) دنييرسن؟ دندى: هم سنه جاواب و نر ميش اولام هم اشكى سورموش اولام."

بو مثل ايقصادى فيكىرلشن آدم حاقيندا دنييلر. يانى او آداملار كى ايسترلر هزينه و نر مه دن بير شنى اله گنير سينلر. (۲)

هر حالدا بو سون مثل ماماغانلارين زيرنگ، ايقصادى، فيكىرلى و هوشيارليقلارينا كسين بير سند اولدوغو اوچون گنيريلدى. انله بو هوشيار و زيرنگ ماماغانلى ساواشان زاماندا داوا طرفيني ووردوقدان سونرا اوزونو حاقلى گوسترمك اوچون كوتك بيئير كيمي آغلاماغا باشلايدير. چونكو آغلاماق ايله يانى اوزونو كوتك بييه نلر كيمي گوسترمك ايله باشقالارينين يارغى سيندا اوزونه حاق قازانديرير.

ايندى بو مثل بير شخص بير خطا و ترس ايشدن سونرا اوزونو طلبكارلار كيمي گوسترن زامان ايشه گلير.

۲- حامام سويو ايله دوست توتماق

اسكى لرده اينديكى كيمي اولرده حامام يوخ ايدى و او اوچونده خالق شهرين عمومى حامامينا گنردى. توفارقاندا عمومى حاماملاردا گنج قادينلار يا قيزلار بويوك و آغ بيرچك خاناملار راستلايان زامان بير مشفقه ايليق سو دولدوروب خورمت اوچون ياشلى و آغ بيرچك خانيمين چيگنيلرينه توكرديلر. يانى نجه بويوگون آياغينا قالماق حورمت حساب انديلير و كيچكلر بويوكلرين آياغينا قالمالار انله ده توفارقاندا قادينلار اچينده بير مشفقه ايليق سو بويوگون چيگنينه توكم حورمت حساب انديلير. (۳)

ايندى بو اورتا دا بعضى بير قادينلار بير آيرى قادينلا تانيش اولوب دوست اولماق اوچون يا بعضى بير قادينلار قيزلارينا ار تاپماق اوچون بير مشفقه ايليق سو دولدوروب تنز فيلان مالى منالى حاجى خانيمين يا فيلان ادلى - سانلى كيشى نين اروادى چيگنينه توکوب اوزونه بير دوست قازانار. بو موفته سودان قازانيلان دوستلارغا «حامام سويو ايله دوست توتماق» دنييلير.

ايندى بير موفته شنى ايله بير منفعت قازاناندا يا بير آيريسى نين پونن ايله بيرى ايله دوست اولان زامان بو مثله ايشه گلير.

۳- ماماغانلى كيشى سينه دندى: «اوشاغيميزين ادبى نه قويماق؟» كيشى دندى: «هنج زاد! دوغ اوتور كوچه يه انله خالق اوزو ادبى قويار.» اسكى زامانلار چوخ يئرلرده و خصوصى ايله كيچيك يئرلرده چوخ اينسانلارين لوغابى سى اولارميش و چوخ آدم لوغابى سى ايله تانينيب، اوز ذاتى آدى ايله تانينمازدى. كنجميشلره گوره بئله بير لوغابى لار ايله آدلانديريلماق بير اولچوده آلميش گورونسه ده انله بونون ايزلرى آزدان-چوخدان هله ده چوخ يئرلرده خصوصى ايله توفارقان و ماماغان كيمي كيچيك شهرلرده گورونور و بير سيرا آداملار لوغابى سى ايله تانينار.

يوخاريدا كى مثل بونا ايشارت ائتمكده دير كى اوشاغيميزا آد قويماغا لزوم يوخ چونكو هر حالدا آد قويولسادا صاباح - بييريسى گون كوچه - باجادا و نريلن لوغابى ايله تانينماقدير.

ايندى بييرى باشقا بير شخصدن مصلحت ايسته ين زامان اونا جاواب دنييلير. چونكو مصلحت و نريلميه رغما" باشقا پاراملرلرين تاثيرى آلتيندا آيرى نتيجهلر اورتايا چيخماقدير و آرادا مصلحتلر و چكيلن امكلر زاي اولماقدير يا بو كى آرتيق نيگران اولماغا لزوم يوخ چونكو انله هر شنى اوزو زامانيندا يئريني و چاره سيني تاپماقدير.

۴- قاتجاهانلی کیمی نه بورجون وئریر نه [بورجون] دانیر

مئلدن مقصد بیرین آسیلی قویماقدیر. یانی نه بورجونو وئریر آدم خیلاص اولسون و نه ده بورجونو دانیر کی یئنه ده آدم تکلیفینی بیلین.

مثلین اوزوندن ، مفهومی و یارانماسی نین سببی ده چوخ آچیق و آیدیندیر.

(قاتجاهان توفارقانا تابع اولان بیر بویوک (دهستان) کند دیر. عمومیتله قاتجاهانلیلار اوزونه تایی یئرلری ایله قیاس اندیلنده یوکسک تحصیلاتی دیرلار و توفارقاندا بو کندین جماعتی گویچک و یاراشیقلی اولماغا عینی حالدا آیدین فیکیرلیلیگه شوهرت تاپمیشلار.)

۵- یاخشی هوشون وار اما حیف قارپیزدا ایشله دیبسن

بیر یابانجی کیشی نین توفارقان بؤلگه سینه یولو دوشدو. توفارقان شهری نین چئورسینده شوهرتلی دنم قارپیزلاری خبرینی دیویوب قارپیز یئمک ایسته دی. یولون قارپیز ساتان بیر گوذارا سالیب بیر قارپیزچی کیشی دن قارپیز ایسته دی. قارپیزچی دندی:

- ساری قارپیز وئریم یوخسا قیرمیزی سین؟

کیشی اوز-اوزونه «قارپیزین ایچی ساری یوخسا قیرمیزی اولماغین هاردادن بيله جک؟» دئییب ساری قارپیز ایسته دی. قارپیزچی کیش بیر قارپیز گوتوروب بیر چیلتیک ووروب کیشی یه وئر دی. کیشی قارپیزین آلیب بیجاغین چیخاریب کس دی و گوردو قارپیزین ایچی ساری دی. کیشی اوز-اوزونه دندی «بلکه شانسی اولارق ائله بو ساری چیددی» سونرا اوزون قارپیزچی یا چئویریب بیر دانا دا قیرمیزی قارپیز ایسته دی. قارپیز ساتان کیشی نچه قارپیزی چیلتیکله بیب بیرینی او غریبه کیشی یه وئر دی. کیشی بیجاغی قویوب قارپیزی کس دی و قارپیزین قیرمیزی چیددیغین گوردو. غریبه کیشی بو ایشدن شاشیریب بیر نچه دفعه ساری و قیرمیزی قارپیز ایسته دی و گوردو کی ائله بالام هر دفعه قارپیز اونون ایسته دیگی رنگه دیر. غریبه کیشی بو ایشه مات - معطل قالیب قارپیز ساتان کیشی یه دندی:

- یاخشی هوشون وار اما حیف قارپیزدا ایشله دیبسن!

۶- توکان اوزوزوندی اما ۵ تومنه ساققیز اولماز

توفارقاندا "چرسی" آدی بیر گوزاردا عباس عمی آدی باققال وار ایدی. بو باققال هر کیمسه آدیغی شئین پارسین سوروشان زامان "توکان اوزوزوندی" دئییر موشتری دن بیر جاواب انشیتمه میش ائله اولکی سوزونون دالیسیجا دا او ساتدیغی شئین قیمتینی دئییردی. اسکی لرده بنش تومنلیک ساققیز وار ایدی. بو ساققیزین قیمتینی بیردن بنش تومندن آرتیب ۲۵ تومن اولدو. قیمتدن خبری اولمایان موشتریلر ۵ تومنلیک ساققیز هاواسی عباس عمی نین توکانینا گیریب ۵ تومنلیک ساققیز ایسته بنده عباس عمی عادتیی اساسیندا «توکان اوزوزوندی» دئییر دالیسیجادا دایانمادان «اما ۵ تومنه ساققیز اولماز» دئییردی و او زاماندا «توکان اوزوزوندی اما بنش تومنه ساققیز اولماز» سوزو آغیزلارا دوشوب مثل اولدو.

۷- سوز بیر اولسا، ضربی کرن سیندیرار

....»

ساری خوجا شاه عباسا دندی:

- قوربان گتیردیگیمیز قیزین عباس آدیندا بیر جاوانین آداخلیسی دی. او کاروان دالیسیجا ایصفاهانا گلیدیر.

شاه عباس اوز-اوزونه دندی «آنجا او دا بیر کیشی دی. اونو گرک راضی سالام کی گولگزینده فیکری اونون یانیندا قالماسین». او اوچون ساری خوجانی عباسین دالیسیجا گوندردی کی عباسی تاپیب سارایا گتیرسین. ساری خوجا گندیب عباسی تاپیب سارایا گتیردی.

شاه عباس ، عاشیق عباسدان کاروانین دالیسیجا دوشوب گلمه سی سببین سوروشدو.

عباس دندی:

- قبیلهی عالم گتیردیگین قیز منیم آروادیم دیر. من اونلا کیچیکلیکدن توفارقان دا بویوموشم.

شاه عباس دندی:

- اول سن توفارقانلی اولدوغونو منه ایثبات ائت هله سونرا گوروم او سنین آداخلیندی یا یوخ!

...

شاه او توفارقانلى تاجيردن عباسين وئردىگى نيشانلارين تاييدىنى ايستهدى. تاجيرده عباسين سوزلرين تاييد ائتدى. عباس بيلدى ارغاج هاردان كنجيب، انله بو اويونلار او توفارقانلى تاجيرين(۴)الى ايله باشينا گليدير. آلدى دندى:

بد اوولادى ازل باشدان تانيرام
سحر دوران، عار – ناموسون گوزلمه ز
چور – چوپ بيغار، ياد اوجاغى يانديرار
سويو توكر، اوز اوجاغين سوندورر

*

اولغون جوشا گلسه، كوپك ياغ اولماز
زيبيل تپه اولماز، كۆللۆك داغ اولماز
سويود بار گنيرسه، باغچا باغ اولماز
يئل آسنده آلچاقلارا آنديرر

*

عباس بو سوزلرى دئيير سرينن
ائل بير اولسا، داغ اويندار يئرندن
آرخى قازين، سويو گلسين دريندن
سوز بير اولسا، ضربى كرن سينديرار»

قايناق: توفارقانلى عاشيق عباس و گولگز پرى- حاضيرلايان، حسن – م. جعفرزاده
دوكتور حسن – م. جعفرزاده

۱- Hin: اششك سورمك سسى دير. (Hin و Hən -H'n ين آراسيندا بير سس اولور.)
۲- بو مثل و ماماغا عاييد «هر اششگين سورمن دئيير منده ماماغانلييام» مثليين شرحى، توفارقاندىن يارانميش يندى مثلين كۆكو- اچى بولوم ده بحث انديلميشدير.
۳- البت ايندىكى زامان بنله بير رسم بوياسيزلانيرسا يئنه ده توفارقاندا عومومى حاملاردا و قادينلار ايچينده از – چوخ داوام اندير و يازار كيچك ايكن بو ماجرايا قادينلار حاماميندا شاھيد اولموشدور. بنله بير رسمين باشقا بير بولگه لرده رايچ اولمادىغى اچون(ان ازى منيم راست گلمه ديگم اچون) بو مثلين توفارقانا عاييد اولماغين ايدعا انديريك.
۴-البته بعضى واريانتلاردا شاه عباسين گولگزى ايصفاھانا گنيردىگى اويونلار عاشيق عباس دان آجيق انله ييب عاشيق عباسين انوين ترك انتدىگى قولو"قول- عبدا.. "حيلهسى ايله عاشيق عباسين باشينا گنيريلير و عاشيق عباس بو سوزلرى اونا خيطاب دئيير.